

FYRSTI LANDSFUNDUR KVENNALISTANS HALDINN DAGANA 29. OG  
30. OKTÓBER 1983 AÐ HÓTEL LOFTLEIÐUM - ÚRDRÁTTUR

Fundur hófst kl. 9.30

Fundarstjóri fram að hádegi 29.10.: Margrét Bjarnadóttir  
Fundarritari - - - - : Hafdis Guðjónsdóttir

Dagskrá laugardagsins:

1. Setning landsfundar
2. Fjárhagsstaðan og skýrslur anga
3. Skýrslur bakhópa
4. Stefnuvirlýsing landsfundar
5. Hópumræður um stefnuvirlýsingu og skýrslur bakhópa  
Matarhlé
6. Lagabreytingar
7. Útgáfumál

1. Kristín Jónsdóttir setti fund.
2. 2.1. Fjárhagsstaðan.  
Jóhanna Eyjólfssdóttir.  
Samtalseign Kvennalistans 29.10. 1983 er  
kr. 100.907.50.
- 2.2. Skýrsla Reykjavíkuranga.  
Steinunn Björg sagði okkur frá hvað væri að  
gerast í Reykjavík. Þær hefði ný framkvæmdanefnd  
tekið til starfa fyrir stuttu.
- 2.3. Skýrsla Reykjanesanga.  
Ingibjörg Guðmundsdóttir sagði fréttir af  
Reykjanesanga er væri húsnæðislaus og skuldlaus  
en kona á þingi.
- 2.4. Skýrsla Norðurlandsanga.  
Sigrún Sigurðardóttir talaði fyrir hönd þeirra.  
Hún kvað angann ekki vera formlegan, þær hefði  
ekki skrifstofu, ættu enga peninga en skulduðu  
ekkert.

- 2.5. Frjálsar umræður um skýrslur og reikninga.  
 Þar kom m.a. fram sú hugmynd að stofna ferðasjóð og nota hluta af hagnaði af Búðaráðstefnu sem stofn.
- 2.6. Elin Ólafsdóttir og Guðrún Jónsdóttir komu með tillögu um dagskrárgerð: Kosin verði 3-5 manna nefnd til að fara yfir fjármál samtakanna og leggja drög að fjármálum þeirra. Skýrslu verði skilað á þessum fundi.  
 Tillagan var samþykkt.  
 Tilnefndar í fjármálanefndina voru:  
 Ína Gissurardóttir  
 Jóhanna Eyjólfssdóttir  
 Sigrún Jónsdóttir  
 Sigrún Sigurðardóttir  
 Kristín Halldórsdóttir.

### 3. Skýrslur bakhópa

#### 3.1. Heilbrigðis- og félagsmál.

Magrét Björgvinsdóttir.

Helstu mál sem hópurinn hefur tekið fyrir eru þessi: Þak yfir aldraða, kynfræðsla, endurskoðun fæðuvals á spítölum, að fá samþykkta nefnd er rannsakar tiðaverki kvenna.

#### 3.2. Efnahagsmál.

Kristín Sigurðardóttir.

Helstu mál hópsins til þessa hafa verið:

Bráðabirgðalög ríkisstjórnarinnar, aðferð við að setja verðbætur á laun. Verkefni okkar nú er að móta heillega stefnu þar sem kvennamál eru nr. 1.

#### 3.3. Friðar- og utanríkismál.

Guðrún Halldórsdóttir.

Mál hópsins til þessa eru: Ályktun samin um málefni El Salvador, rætt um þingsályktunartillögu nr. 6 um afvopnun og takmörkun vígbúnaðar, María Jóhanna Lárusdóttir fulltrúi Kvennalistans á ráðstefnu Lifs og lands, óskað er eftir fulltrúa

Kvennalistans í Friðarhreyfingu ísl. kvenna.  
Hópurinn lagði fram drög að yfirlýsingu vegna innrásar Bandaríkjahers í Grenada.

3.4. Umhverfismál.

Helga Sigrún.

Hópurinn tiltölulega ný tekinn til starfa svo Helga Sigrún sagði frá eigin hugleiðingum.

3.5. Norðankonur.

Helga Hauksdóttir.

Þær eru ekki starfandi bakhópar, en Helga sagði frá eigin vangaveltum.

3.6. Þingkonur.

Guðrún Agnarsdóttir sagði okkur frá hinum nýja vinnustað þeirra þingkvenna.

Umræður gefnar frjálsar um störf þeirra þingkvenna og þær kom fram að Sigriður Dúna ætti ein rétt á efri deild og er því í fleiri nefndum. Þær eru fjárhags- og viðskipanefnd, menntamálanefnd, félagsmálanefnd, landbúnaðarnefnd og allsherjarnefnd. Guðrún Agnarsdóttir er í heilbrigðis- og trygginganefnd og utanríkismálanefnd sem starfar allt árið. Guðrún er einnig þingfloksformaður.

Kristín Halldórsdóttir er í fjárveitinganefnd, iðnaðarnefnd og samgöngunefnd.

Ákveðið að fresta umræðum um skýrslur bakhópa þær eð fundurinn hafði dregist á langinn.

4. Sigriður Dúna las upp drög að stefnuyfirlýsingu landsfundarins.
5. Fundarkonum skipt upp í hópa er eiga að ræða drög að stefnuyfirlýsingu og koma með nánari tillögur.

Hádegismatur í Vikingasal.

5. Hópumræður um stefnuyfirlýsinguna.

Sameiginlegur fundur hófst aftur kl. 2.

- Guðný Guðmundsdóttir las upp drög að yfirlýsingu frá Samtökum um Kvennalista vegna innrásar Bandaríkjahers í Grenada sem friðar- og utanríkismálahópur hafði samið.  
Miklar umræður urðu um yfirlýsinguna.
- Elin Ólafsdóttir kom með tillögu að dagskrárbreytingu þess efnis að flytjendur og breytingaflytjendur fari afsíðis og reyni að samræma tillögur.  
Tillagan samþykkt.
- Kristín Ástgeirsdóttir óskaði eftir breytingu á dagskrá þess efnis að hún fái að ræða útgáfumál á undan lagabreytingum þar sem hún þarf að fara af fundi fljótlega.  
Það var samþykkt.
- Ný tillaga kom að yfirlýsingu vegna innrásar í Grenada. Henni var hafnað og óskað eftir betri útfærslu.

Þegar hér var komið við sögu tók nýr fundarstjóri og fundarritari við.

Hafdís Guðjónsdóttir.

---

Fundarstjórar: Margrét Bjarnadóttir og  
Jóhanna Eyjólfssdóttir

Fundarritarar: Kristín og Sóley Jónsdætur.

## 6. Útgáfumál.

Kristín Ástgeirsdóttir flutti erindi um útgáfumál.

Hún talaði um 2 valkosti sem við stöndum frammi fyrir:

1. Hefja útgáfu á eigin málgagni.
2. Sameinast Kvennaframboðinu um útgáfu Veru og nýta jafnframt annan vettvang sem til er og við fáum aðgang að.

Upp úr atkvæðagreiðslu spunnust umræður um skilgreiningu á varapингkonum og var þeirri umræðu vísað til félagsfunda anganna.

Nú var gestum okkar að austan gefið orðið.

Bryndís Simonardóttir greindi frá starfi Kvennahreyfingarinnar á Héraði og Sigrún Benediktsdóttir las okkur ljóð sín.

Nú tók nýr fundarritari við.

8. Niðurstöður hópumræðna um stefnuyfirlýsingu.

Helga Hauksdóttir las stefnuyfirlýsingu eftir að hópumræðustjórar höfðu komið sér saman um breytingar. Athugasemdir komu frá Sigrúnu Helgadóttur, vantar í st.y.l. að taka tillit til umhverfismála, frá Laufey Jakobsdóttur, þyrftum að taka tillit til fíkniefnavandamálsins og frá Guðrúnu Jónsdóttur. Hún taldi að plaggið þyrfti að vera einfalt, hnittmiðað og skarpt. Taldi upphafið nánast óparft, ekki ástæða til að fagna og hrópa húrra. Nauðsynlegt að benda á tekjutilfærsluna, sem á sér stað við launaskerðingu. Fleiri tóku til máls og voru sammála Guðrúnu um að skerpa þyrfti orðalag og hnykkja á ýmsum atriðum, þó flestar lýstu sig efnislega sammála yfirlýsingunni. Samþykkt var tillaga um skyndinefnd er breytti orðalagi stefnuyfirlýsingar í samræmi við framkomnar athugasemdir. Stungið var upp á Guðrúnu Jónsdóttur, Elinu Ólafsdóttur, Sigrúnu Sigurðardóttur, Sigriði Dúnu Kristmundsdóttur og Sigrúnu Helgadóttur.

9. Starfið framundan.

Guðný Guðmundsdóttir stýrði fundi meðan Jóhanna skýrði frá tillögum fjármálanefndar. Áætlaður skrifstofukostnaður kr. 30.000.- á mánuði. Tillaga um að þingfloksstyrkurninn standi undir því ásamt framlagi frá Reykjavíkuranga og Reykjanesanga. Tillaga um lágmarksfélagsgjald kr. 400.-. Eftir umræður var tillögum fjármálanefndar vísað til félagsfunda anganna

til nánari umfjöllunar.

Samþykkt var tillaga um ferðastyrk kr. 1.000.- til þeirra 6 kvenna sem komu á landsfundinn utan af landi. Afgangurinn af "Búðasjóðnum" notaður til stofnunar ferðasjóðs.

Samþykkt var viljayfirlýsing um að stefnt yrði að því að varapéingkona utan af landi fái styrk til að koma til Reykjavíkur einu sinni í mánuði.

#### 10. Önnur mál.

Jóhanna tók aftur við fundarstjórn.

Rædd ýmis mál svo sem: Útgáfumál, samstarf við Veru, fíkniefnavandamálið, leshópa, bakhópastarf, tilgang bakhópa o.fl. ákvarðanataka og valddreifing.

Kristín Jónsdóttir las stefnuyfirlýsingu endurbætta frá skyndinefndinni.

Stefnuyfirlýsingin rædd.

Guðný Guðmundsdóttir gagnrýndi breytingar á yfirlýsingunni, sérstaklega setningu um að ríkisstjórnin taki helming af kaupi launafólks ófrjálsri hendi og flytji í vasa atvinnurekenda. Margrét Sæmundsdóttir lagði til að setningin félli niður. Guðrún Jónsdóttir lýsti sig andviga því og sagði að með því að fella setninguna niður tækjum við ekki afstöðu.

Sigriður Angantýsdóttir var sammála Guðrúnu og benti á að við værum ekki að deila á atvinnurekendur heldur ríkisstjórnina, sem lögfesti kjaraskeröinguna.

Guðrún Jónsdóttir flutti breytingartillögu, að setningin yrði orðuð: Ríkisstjórnin hefur þar með tekið allt að helming af kaupi launafólks ófrjálsri hendi og flutt til atvinnurekenda.

Gengið til atkvæða. 13 samþykktu að fella setninguna niður, en 10 voru samþykkar breytingartillögu Guðrúnar Jónsdóttur.

Kristín Blöndal lýsti efasemdum á vinnubrögðum sem viðhöfð voru við afgreiðslu stefnuyfirlýsingar.

Fleiri athugasemdir og tillögur um orðalagsbreytingar komu fram.

Samþykkt að í öðrum kafla standi "felst hætta á

samdrætti" í stað "flest samdráttur".

Guðrún Sæmundsdóttir bað um skýringar á kaflanum um hernaðarmannvirkni. Fundarkonur lýstu sig almenn sammála þeim kafla og bentu á að við værum róttækustu friðarsinnar á Íslandi.

Stefnuyfirlýsingin var samþykkt með 28 atkvæðum.

Að lokum tóku ýmsar fundarkonur til máls, þökkuðu fyrir sig og lýstu ánægju með landsfundinn. Þó skoðanaskipti hefðu orðið þyrfti það ekki að vera neikvætt.

Fundi var slitið rúmlega 19 og endað á söngnum "Dómar Heimsins".

Elin Antonsdóttir ritari.